

## Porodica medicina i u Grbavcima

Trenutno se na području zbornice opštine uspostavlja sistem porodice medicine, prema kojem bi trebala ukupno biti poboljšana zdravstvena zaštita stanovništva. Grbavci naravno nisu izuzeti iz ovoga projekta, i patronažne ekipe medicinskih sestara već obilaze selo i vrše evidenciju stanovništva radi uspostave baze podataka i pravljenja plana budućih usluga. Sistem porodice medicine podrazumijeva stalnu komunikaciju između zdravstvenog osoblja i pacijenata i konstantno praćenje zdravstvenog stanja pojedinca i njegove porodice.



Inace, problemi sa liječenjem su među najtežim sa kojima se suočavaju povratnici u drugi entitet, pa tako i Grbavce. Mještani koji imaju licne karte izvadjene u Zvorniku lijece se u ovdašnjem Domu zdravlja, a za složenije intervencije znaju biti upućeni u Focu, Istočno Sarajevo, pa čak i Beograd. Mnogi povratnici su već preživjeli to iskustvo i ozbiljnijih primjedbi na odnos medicinskog osoblja nemaju, osim što je nesporno da su zdravstvene ustanove u Republici Srpskoj prema opremljenosti i kvalitetu osoblja daleko ispod naprimjer tuzlanskog Klinickog centra. Dobar dio povratnika u Grbavce ima licne dokumente iz Federacije BiH i svoja prava i po osnovu zdravstvene zaštite ostvaruju u Tuzli, Kalesiji, Sarajevu, Živinicama, a inostrani penzioneri imaju osiguranje iz zemalja u kojima su zaradili penziju, pa se lijece uglavnom u privatnim klinikama i ordinacijama.

Nadamo se da će uvođenje porodice medicine poboljšati zdravstvenu zaštitu stanovništva, a u posljednje vrijeme i Federacija je usvojila neke zakone prema kojima se i povratnici u drugi entitet mogu liječiti u njenim ustanovama.